

**NUNATTA EQQARTUUSSISUUNEQARFIANI  
EQQARTUUSSUTIP  
ALLASSIMAFFIATA ASSILINEQARNERA**

**UDSKRIFT AF DOMBOGEN  
FOR  
GRØNLANDS LANDSRET**

Ulloq 17 septembari 2016 Kalaallit Nunaata Eqqartuussisuuneqarfianit suliami suliassat al-lattorsimaffiini no. K 184/16

(Qeqqata Eqqartuussiviata sul.allatt.no.

QEQ-SIS-KS 0011-2016

Unnerluussisussaatitaasut

(nalunaarsuiffiup no. 5508-97431-00496-15)

Illuatungeralugu

Unnerluussaq

Inuueqartoq [...]

(eqqartuussissuserisoq Naja Joelsen, Nuuk  
nalunaarsuiffiup no. K 184/16)

oqaatigineqarpoq imaattoq

**E Q Q A R T U U S S U T :**

**Eqqartuussiviup eqqartuussutaal**

Eqqartuussivimi suliardinneqqaarfiusumi eqqartuussut oqaatigineqarpoq Qeqqata Eqqartuussivianit ulloq 28. juni 2016. Eqqartuussummi unnerluutigisaq eqqartuunneqarpoq inissisarfimmut inissinneqarnermik qaammatini pingasuni.

**Suliareqqitassanngortitsineq**

Eqqartuussut taanna unnerluutigisamit nunatta eqqartuussisuuneqarfianut suliareqqitassanngortinnejarsimavoq. Nunatta eqqartuussisuuneqarfianit suliaq suliarineqarpoq .

**Piumasaqaatit**

**Unnerluussisussaatitaasut** piumasaqaatigaat eqqartuussiviup eqqartuussutaata atortussanngortinnejarnissaa.

**Unnerluutigisap** piumasaqaatigaa sakkukilliliinissaq.

## **Eqqartuussisooqataasut**

Nunatta eqqartuussisuuneqarfiata suliamik suliarinninnerani eqqartuussisooqataasut peqataapput.

## **Inuttut pissutsit**

Unnerluutigisap inuttut atukkani pillugit erseqqissaatigaa, Qaanaameersuulluni, kisiannili Sisimiuni aamma Nuummi najugaqarsimalluni. Anaanaminit ajortunik misigisaqartarsimavoq. Anaanani anaanamilu inooqataa atassuteqarfinginngilai. Sunngiffimmi angerlarsimaffimmi sulisarpoq. Qaammammut 10.000 koruunit missaannik pisarpoq. Taamatut ingerlasimavoq upernaamiit. Ineeqqamik attartugaqarpoq. Taanna qaammammut 3.500 koruuninik akilertarpaa. Marlunnik qitornaqarpoq. Angajulleq maannakkut aqqanilinnik ukioqalertussaavoq, nukarlerlu arfinilinnik ukioqarunarluni. Niviarsiaqqamut angajullermut taamaallat akilersuu-teqarpoq, akilersuinerminali kinguaattooqqavvoq. Taamaallaat imertarpoq qaaqquneqaraangami. Siornatigut assut imernikuuvvoq. Ukioq manna februaari qaammat Nuummut ti-kikkami pissutsini allanngortippaa. Massakkut eqqissisimasumik inuuvoq, tamannalu ingerla-tiinnarusuppa.

## **Nunatta eqqartuussisuuneqarfiata tunngavilersuutaanit inerniliineralu:**

Eqqartuussiviup eqqartuussutaanit erserpoq, unnerluutigisaq siusinnerusukkut pineqaatissinneqarsimasoq, eqqartuussutilli nunatta eqqartuussisuuneqarfianut saqqummiunneqarsimangillat aammalu pissarsiarneqarsinnaasimanatik, taamaattumik eqqartuussisut taakku pingaartutut isigniarsimangilaat.

Nunatta eqqartuussisuuneqarfiata eqqartuussiviup nakuusernerup qanoq ittuuneranut tunngasumik oqaaseqaatai akuerai tamatumalu kingunerisariaqaraa utaqqisitaanngitsumik inissisarfimmut inissinneqarneq. Eqqartuussisut taamaalillutik isumaqarput, nakkutigisaanissamut imaluunniit inuiaqatigiinni sulisitaanissamut eqqartuussut naammanngitsoq.

Eqqartuussisup ataatsip eqqartuussivimmit allanneqarsimasut innersuussutigalugit isumaqarpoq naammattumik tunngavissaqanngitsoq eqqartuussiviup pineqaatissiissutissamik uuttuinerata allanngortinneqarnissaanut atortuutitsiinnarnissarlu aalajangiullugu.

Eqqartuussisut marluk isumaqarput, inatsisinik atuutsitsiniarneq eqqarsaatigalugu inissiisarfimmut inissiineq naleqquttoq, unnerluutigisalli inuttut atugai eqqarsaatigalugit, piffissami sivikitsumi pitsasumik ingerlalersimagaluarnera suliffeqarneranut, ineqarneranut imigassamillu atuineranut tunngatillugu, tamatuma ajornartinngikkaa nakkutigisaalernissaa, taa-maattumillu eqqartuussisut taakku aalajangerput eqqartuussutigineqassasut inissiisarfimmut inissiineq ulluni 50-ini aamma Pinerluttunik isumaginnitoqarfimmit ukiuni marlunni nakutigisaaneq, pinerluttulerinermi inatsisip §-iisa 145-ani, imm. 1, §-iisalu 144-ani, imm. 1, toqqammavigalugit.

Amerlanerussuteqartut taasinerat malillugu eqqartuussuteqassaaq.

### **TAAMAATTUMIK EQQORTUUTINNEQARPOQ :**

Eqqartuussiviup eqqartuussutaa allanngortinneqarpoq. Unnerluutigisaq pineqaatissinneqarpoq inissiisarfimmut inissinneqarnermik ulluni 50-ini aamma pinerluttunik isumaginnitoqarfimmit nakkutigisaanermik ukiuni marlunni.

Unnerluutigisamut illersuisussanngortinneqartup akissarsiassai immikkut aalajangersar-neqassapput. Akissarsiassat naggataarutaasumik naalagaaffiup aningaaserivianit akilerneqasapput.

\*\*\*\*\*

Den 7. september 2016 blev af Grønlands Landsret i sagen

sagl.nr. K 184/16

(Qeqqata Kredsrets sagl.nr.

QEQ-SIS-KS-0011-2016)

Anklagemyndigheden

(J.nr. 5508-97431-00496-15)

mod

Tiltalte

Født den [...]

(advokat Naja Joelsen, Nuuk  
j.nr. K 184/16)

afsgagt sålydende

**D O M:**

**Kredsrettens dom**

Dom i 1. instans er afsagt af Qeqqata Kredsret den 28. juni 2016. Ved dommen blev tiltalte dømt anbringelse i anstalt i 3 måneder.

## Anke

Denne dom er af tiltalte anket til landsretten. For landsretten har sagen været behandlet som.

## Påstande

**Anklagemyndigheden** har påstået kredsrettens dom stadfæstet.

**Tiltalte** har påstået formildelse.

## Domsmænd

Der har under landsrettens behandling af sagen medvirket domsmænd.

## Personlige forhold

Tiltalte har om sine personlige forhold oplyst, at han kommer fra Qaanaaq, men har boet i både Sisimiut og Nuuk. Han har haft nogle dårlige oplevelser med sin mor. Han har ikke kontakt med moderen og moderens samlever. Han arbejder på et fritidshjem. Han får udbetalt cirka 10.000 kr. om måneden. Det har han gjort siden foråret. Han lejer et værelse. Det koster 3.500 kr. om måneden. Han har to børn. Den ældste fylder 11 år nu, og den yngste er vist 6 år. Han betaler kun børnebidrag til den ældste pige, men han er bagud med betalingerne. Han drikker kun, hvis han bliver budt ud til noget. Tidligere drak han meget. Han ændrede adfærd, da han kom til Nuuk i februar måned i år. Han lever fredeligt og roligt nu, og det vil han gerne fortsætte med.

## Landsrettens begrundelse og resultat:

Det fremgår af kredsrettens dom, at tiltalte tidligere er foranstaltet men at dommene er ikke blevet fremlagt i landsretten og i øvrigt ikke været tilgængelige, hvorfor retten ikke har lagt vægt herpå.

Landsretten tiltræder kredsrettens bemærkninger om at karakteren af volden tilsiger en ubetinget anstalsanbringelse. Retten finder således ikke, at dom til tilsyn eller samfundstjeneste er tilstrækkelig.

En dommer har under henvisning til det af kredsretten anførte ikke fundet fuldt tilstrækkeligt grundlag for at ændre kredsrettens udmåling af foranstaltningen og stemmer for at stadfæste.

To dommeren finder, at hensynet til retshåndhævelsen taler for anstaltsanbringelse, men at oplysningerne om tiltaltes personlige forhold, hvor han i en kort periode har været inde i en positiv udvikling i forhold til arbejde, bolig og alkohol, taler for, at han også undergives tilsyn, hvorfor disse dommere stemmer for at idømme anstaltsanbringelse i 50 dage og tilsyn af Kriminalforsorgen i 2 år, jf. kriminallovens § 145, stk. 1, jf. § 144, stk. 1.

Der afsiges dom efter stemmeflertallet.

#### **T H I K E N D E S F O R R E T :**

Kredsrettens dom ændres. Tiltalte foranstaltes med anbringelse i anstalt i 50 dage og undergives tilsyn af kriminalforsorgen i 2 år.

Salær til den for tiltalte beskikkede forsvarer fastsættes særskilt. Salærret afholdes endeligt af statskassen.

Anne-Sophie Abel Lohse